

75236.7/2213

45

11

3

CHINESE-JAPANESE COLLECTION  
HARVARD COLLEGE LIBRARY  
FROM HARVARD YENCHING INSTITUTE  
MAR 14 1932

皇明文徵卷五十六

晉江何君遠游志

書事

循紳

高啟

書博鷄者事

博鷄者袁人素無賴不事產業日抱鴉呼少能  
博市中任氣好鬪諸爲里俠者皆下之元正  
間袁有守冬慮政民甚愛之部使者欲斬袁

皇明文徵卷五十六

晉江何喬遠稗孝選

哈佛大學  
哈佛燕京  
圖書館  
珍藏印

書事

縉紳

高啟

書博鷄者事

博鷄者袁人素無賴不事產業日抱鷄呼少年  
博市中任氣好鬪諸爲里俠者皆下之元至正  
間袁有守多惠政民甚愛之部使者臧新貴將

按郡至袁守自負年德易之聞其至笑曰臧氏之子也或以告臧臧怒欲中守法會袁有豪民嘗受守杖知使者意嗾守卽誣守納已賂使者遂逮守脇服奪其官袁人大憤然未有以報也一日博鷄者遨于市衆知有爲因讓之曰若素名勇徒能籍貧孱者耳彼豪民恃其貸誣去賢使君袁人失父母若誠丈夫不能爲使君一奮臂邪博鷄者曰諾卽入閭左呼子弟素健者得數十人遮豪民於道豪民方華衣乘馬從羣奴而馳博鷄者直前摔下提歐之奴驚各亡去乃褫豪民衣自衣復自策其馬麾衆擁豪民馬前反接徇諸市使自呼曰爲民誣太守者視此一步一呼不呼則杖其背盡劊豪民子聞難鳩宗族僮奴百許人欲要篡以歸博鷄者逆謂曰若欲死而父卽前鬪否則闔門善俟吾行市畢卽歸若父無恙也豪民子懼遂杖殺其父不敢動稍斂衆以去袁人相聚從觀歡動一城郡錄事駭之馳白府府佐快其所爲陰縱之不問日暮

至豪民第門摔使跪數之曰若爲民不自謹冒使君杖汝法也敢用是爲怨望又投間齷汚使君使罷汝罪宜死今姑貸汝後不善自改且復妄言我當焚汝廬戕汝家矣豪民氣盡以額叩地謝不敢乃釋之博鷄者因告衆曰是足以報使君者未邪衆曰若所爲誠快然使君寃未白猶無益也博雞者曰然卽連楮爲巨幅廣二丈大書一屈字以兩竿夾揭之走訴行御史臺臺臣弗爲理乃與其徒日張屈字遊金陵市中臺臣慙追受其牒爲復守官而黜臧使者方是時博鷄者以義聞東南高子曰余在史館聞翰林天台陶先生言博鷄者之事觀袁守雖得民然自喜輕上其禍非外至也臧使枉用三尺以讎一言之憾固賊齧之士哉第爲上者不能察使匹夫攘袂羣起以伸其憤識者因知元政紊弛而變興自下之漸矣

朱統

茂邊紀事

嘉靖丙申季春乙丑護林

茂州驛名

之北來遠

疊溪所驛

名之南長寧古驛之墟

長寧驛今廢為堡有提管官戍守

穆肅

兩河之會

穆肅堡名兩河會其下極險隘南北糧運必經之地

有戎不軌

偶自三溝

深溝淺溝渾水溝皆畚寨名

羣醜弗威陰連二姓

大姓小姓

稔克殘于殺越肆睥睨于轉輸神矣梟鴟

作慝惟窺日入秘如鬼蜮欺人至擬天驕急峽

鯨奔呼吸繫千人之命重關櫛比安危引一髮

之釣天意伐謀地鄰告變

時報三溝糾大小旗山水磨兒立賴子高

黃脊魚凡十寨夜伏兩河口上下期以來朝劫運

周郎分閫

參將周

夜

傳銅虎之符龔尉名家

長寧提管指揮龔銳

早試金蒲之

鏃羣饗大沮一芥不遺兕出柙而猖狂豕負塗

而躑躅嬰此方張之寇四路無雙動皆以律之

師三城有恃

賊既失望則反攻長寧統力主戰守深戒撫和龔銳一日三戰皆捷

警聞叅府建節星馳

周繼勳

令下岳希刻期雲谷

岳希遂長官司坤元

累官都督何無忌之策勲獨將遊兵

杜諸公之敵愾松州遣騎臨翼移屯

時總兵何卿守松潘

遣方和何禮輩接長寧遊擊將軍杜欽白疊溪移駐穆肅

乃控上游互為策

應蜀山吠日百爾隨聲周轍驚霆紛如怒臂外

結河西諸部日擾邊陲

河西巴猪黑水曆日諸寨助賊攻長寧

內

要山後諸酋徑趨我闈

茂州山後羅多魏磨白若羅村古得失墮才主

核桃溝諸寨攻茂州積威攸劫競傳市井訛言故態復萌

追咎轅門惜賞

各寨歲賞長寧路費銀一萬三千壘溪路八十以為常癸巳歲

大中丞南澗楊公率總兵何卿平五寨乘威盡革之止循故事存銀一千七百有奇量犒酒肉而巳至是賊以為所賴九重神笑炳在琅函時

惟兩院英名茂流錦里才兼將相河陽潘岳之

孫

大中丞方塘潘公

風樹紀綱吳郡陸機之裔

巡按玉洲陸公

芻蕘並採臂指相通遂收渙而定疑聿勸忠而

鼓銳三溪設險可塹可城

三溪自東路流出至茂城北山前合流西

入岷

六哨分工且矛且錘臺因山澤圖永逸於

暫勞陣寄鳥雲鎮大焚於至靜

山後諸酋頻年犯茂城官軍閉

門講略而已至是相地於三溪出師分據之衆無固志命即地為城西起岷江東極山巔東臺名之曰鳥雲山墩西臺名之曰鳥雲澤墩中為鳥雲亭應兵隴水一戰枯

摧梟俊黑橋羣奔瓦解

城僅起數尺賊奄至衆倚為固隴木長官司坤

兒卜即陣誅賊首哭卓羣賊奔據北山三日乃退

核桃再熾達觀花水

之遺龍觜夾持進扼燕岬之隘先人默奪劇寇

潛遁

賊既退恚甚大聚于核桃溝誓衆肅隊將再入寇時新城漸高乃分兵進據北山各

守要害期賊至於燕兒岷擊伺間道於夜泗坐

收要害時賊暗糾五寨為亂獲細奸於時出巧

中機宜旌旗與白日交輝號令為雪山增重縱

橫應敵三軍不損一人遠近執俘一月豈惟三

捷腰金貴介獨馳不測之巔手办元克兩奪群

攻之具膚公尤烈脅從皆降初賊犯茂為四月三日長寧亦以是

日受攻幾陷龔銳身先士卒馳千仞顛岷斬哭竹巴奪其七稍砲而還如是者再歷日乃降餘賊皆

惟彼深溝猶茲跋扈千仞翔而弗下藺石

為驅萬夫蕙爾莫前常山阻絕老師非計密使

與權昭物采以犒軍後壺漿而屬道狼貪可笑

甘心葛伯之邀鳩毒有懷駢首中山之臥荆棘

介然成路叱咤生風桑榆籍此收功壽張虧篲

四月二十四日遣使棄牲酒盛張鼓吹聲言穆肅犒軍出深溝寨下賊爭奪酒群飲之尋中毒

死傷無數官道遂通將率龔銳輩擣其巢穴周繼勲力沮焉光韜巨闕舌戟

爭銛敵樹蕭牆筆鋒禦侮時內外皆主撫賞之議有以私憾媒蘖統

者因與之辨且促何卿來會公移私劄往來百計斷案得中丞之斧辨

失儀秦突圍迎驃騎之羈權交平勃既參而伍

乍合而離五月十八日純至長寧迎何卿反覆論難日晏始定議偽為不協之狀而



散密期二十八  
日會勦深溝  
虛實相形正奇互用鑿山通徑

故左道以傳疑卷甲銜枚忽中宵而乘懈懸岬

壁立未遑鄧氏之羶分部蟻登亟樹漢家之幟

盡連礮於一炬燭萬劫之遺寬數雜虜於橫戈

刷千工岬之深耻至期統與周繼勳至自茂州何卿杜欽至自疊溪部分指

揮李嵩兵屯神溪溝龐振兵屯刀溪溝高智兵屯燕兒岬曹杲兵屯魏磨墩各為進擊之狀留

周繼勳屯韓胡堡維舟江許為欲渡之勢以綴二姪援賊之眾留高黃脊魚降者于穆肅諸堡

以杜往來傳報之奸龔銳分兵繇長寧門路指揮蔣啟兵繼之坤兒卜坤元兵繇長寧後山

路法保繼之指揮曹克新兵繇兩河口路長寧安撫司兵繇長寧下門路杜欽兵繇穆肅山路

俱夜半銜枚緣岬而上凡越三嶺未明抵深溝

寨襲殺守者合圍之焚其燭一百八十餘座火

三日不絕何卿泊其子何希亮周繼勳杜欽各營其巔為進擊淺渾之規

淺渾伊邇

一夕亾唇老稚相携四山崩角事懲姑息恢張

指糾之規亂問厥繇克制短長之命眾輸心而

悔罪爭縛渠魁至斷指而祈恩壹遵約束淺渾不降

不許獻甲獻牛羊不許淺溝縛送渠魁三人渾水縛送二人斬于軍前與深溝餘黨俱貢方物來降願受約束有斷指截耳以自誓者剗牛泉杪飼馬雲端斂息

仰天之窩勒銘張口之石月初建未日則先庚

黑水再清漢關重闢壯士歌而崑崙應妖氛淨

而牛斗光偉哉主帥之功展也多賢之輔智慧  
 信惟乘勢號咷終有同人徵調無煩旁縣不聞  
 金華公私大省居民盡仰旃幪彼媚嫉者何為  
 竟捷幡乎何益嗟乎夷狄古無深治兵家未有  
 常形處置得宜韓輿取捷忠邪易位陳塹為夷  
 慎蕭氏之金甌白茅斯重碎范增之玉斗瓦礫  
 何殊語要無他任人而已溯歷年之多難慨當  
 事之寡謀舍耕織於專門玉人受教徂採樵於  
 近利天險爭雄千里徵兵驅市人而浪戰一言

遣將率弟子以輿尸野心從此日驕士氣至今  
 不振或吹壘而過計每破釜而失聲吝出納於  
 平時急撫和於臨陣堂堂中國不差城下之盟  
 赳赳武夫盡剜心頭之肉投人餽詐謂彼昏而  
 不知祈父招尤慘多瘠而罔詔馴致邇年之禍  
 無如五寨之深鷲兒鷄公刀江山助彼金湯道  
 路出其門戶防秋死別一戍數千來歲生還什

無四五擢髮已窮于甲士褫衣不免田于戶侯  
所謂千工彼美督軍呈身三宿高智提督長寧  
深耻也

宿四百  
金乃免  
有雄驍騎遮道千金  
遊擊鄧爵阨於魏

磨覘我垣墉白若戕人肘腋有山如障來則高

巢有坎如隍履同平地孤城鞏固諸開近賊之

門福將尊榮莫究折衝之志蒙茸北郭牧唱吞

聲茂城北門外田數千咫尺西橋鬼門騰號茂城

西門外鎮西狗彘貴於人命長寧堡嘗斃賊犬

錢乃散貍豺賤若草菅章璽稔克神人共憤章璽

指揮因誘賊要賂者忤勲死事日月為昏長寧

十餘年後斃于獄上帝聞腥旋轉廓清之運元臣秉鉞

鑿開混沌之天即癸巳之舉時會計用兵之罪

惡貫盈宜俾根株悉拔險膚起信乃惟旦夕邇

圖猩血猶爭虞旌倏下倉皇失措馬高已死之

金喪亂既平人惜有功之袴健兒解體髦士弛

擔乙未秋純承乏承殊類杞憂環視漠如越瘠

言猶在耳戎復生心試觀四起之塵夫豈一朝

之故及今不戒尚事因循厥禍長流將何紀極

彼其之子束高閣乎幾年亦獨何心壞長城乎

萬里塞胸諸難未聞決策聳人銷骨巧詞祗見

幸災樂禍身如謀國何嫌殿上之爭賊已渡河  
 尚作道傍之舍百年之笑肯歛手以推棊六月  
 之師但駕言於揮扇肩山欲蹶腹劍反攻太阿  
 不識倒持宏詞何用手板已看倒執高論猶存  
 嗟乎內有讒夫外多勅敵阪高難合息壤無盟  
 肘雖掣而力自前踵未旋而亂遄定人見田單  
 厲氣遂收三月之功孰知神禹至誠會奏七旬  
 之格豎儒幾敗乃事炎德方隆蔡功惟斷乃成  
 名賢在位匪人匪地惟動惟天蓋忠良不病於  
 扼腕斯夷虜無憂於猾夏天冠地履自循萬古  
 之常秋殺春生孰爽四時之令是非如鏡賞罰  
 快人英雄有樂死之心沙漠盡宣威之地嗟乎  
 室家安枕所重藩籬七劑奏功寧辭瞑眩靡盬  
 莫非王事匪躬乃見王臣戎塞歸驂耆老垂漢  
 官之涕青萍長價將軍全報主之身栢府持衡  
 宏啟清平之宴兩院開宴  
各曰清平玉堂秉筆大書全勝  
 之樓王壘王  
子元正白面何能躬逢盛事彤弓載咏共  
 醉佳辰念一時共事之情成百折不回之義有

痛更深於定惟亡乃保其存爰紀諸艱再申百韻

歸有光

書郭義官事

郭義官曰和者有田在會昌瑞金之間翁一日之田所經山中見虎當道策馬避從他徑行虎輒隨翁馴擾不去翁留妾守田舍率一歲數至翁還城虎送之江上入山而去比將至虎復來家人呼爲小豹每見虎來其妾喜曰小豹來主且至速爲具飯語未畢翁已在門矣至則隨翁帖帖寢處冬寒臥翁足上以覆煖之竟翁去復入山如是以爲常翁初以肉飼之稍稍與米飯故會昌人言郭義官飯虎鎮守官聞欲見之虎至庭咆哮庭中人盡仆翁亟將虎去後數十年虎暴死翁亦尋卒嘉靖癸丑翁孫惠爲崑山主簿爲予言此又言歲大旱禱雨不應衆強翁書表焚之有神憑童子怒曰今歲不應有雨柰何令郭義官來今則不得不雨頃之澍雨大降然

翁平日爲人誠朴無異術也予嘗論之以爲物  
之驚者莫如虎而變化莫如龍古之人嘗有以  
豢之而佛老之書所稱異物多奇惟學者以爲  
誕妄不道然予以爲人與人同類其相戾有不  
勝其異者至其理之極雖夷狄禽獸無所不同  
子思曰喜怒哀樂之未發謂之中發而皆中節  
謂之和致中和天地位焉萬物育焉學者知之  
郭義官事至不可知嗚呼惟其不可知而後可  
以極其理之所至也

疏

韋布

林兆恩

告天疏

誓志度世倡明三教臣兆恩謹疏臣得聞三教  
之旨直欲倡而大之使天下萬世盡知世間則  
有世間法出世間則有出世間法教雖有三道  
則惟一而立本而入門而極則次其後先而力  
行之亦不爲悖此乃臣兆恩設科度世一點之

真心也非敢爲鑿空臆議自欺欺人夫亦有所受之也臣兆恩每以三教之旨必能信之人人而無疑卽當道貴顯亦必有信之者或有召見固不敢往而有來請見者亦當分庭爲禮求無愧於古之孔孟又豈敢以一毫非義加乎其身而爲孔孟一大罪人耶臣兆恩嘗竊聞之人皆可以爲堯舜故無分於貧富貴賤以至於智愚賢不肖其天命之性則本善也欲爲儒則儒以吾心之有一孔子在也欲爲道則道以吾心之有一老子在也欲爲釋則釋以吾心之有一釋迦在也必欲倡而大之使天下萬世皆能盡知儒教人倫日用以立本也皆能盡知道教修身煉性以入門也皆能盡知釋教虛空本體以極則也而後臣度世一點真心始慰矣然此非有大力量不能爲已不惟是非不足以貳其心而利害亦且不足以易其操然後可爲也不惟利害不足以易其操亦且死生不足以變其節然後可爲也故將軍無必死之志固不足以統百

萬之師而匹夫有求生之心亦不足以守狗身之道今臣兆恩發大誓志以倡明三教於天下萬世者亦已審矣豈其死生可得而奪之也而又况於利害是非之細者乎夫臣兆恩特卑微一布衣爾然亦不能不賴天地神祇之所夾持護佑使臣兆恩能得無畏法力不爲是非利害死生稍動念則是臣兆恩得已荷天地神祇無邊功德生死不敢忘也爲此具疏不勝悚慄之至

上梁文

縉紳

倪謙

應天府學門上梁文

應天爲京兆之大府儒學乃首善之名區枕秦淮而引清溪風氣於茲融結左鍾阜而右聚寶山形相向拱迎梵塔凌空卓東南之文筆江湖通海湧朝夕之詞源是宜庠序之聿興雅稱衣冠之萃止前修侈靡古跡留奇宋學士之聯句



金春泉題玉兔吳皇象之斷碑鼎峙號紀赤烏  
英俊來遊進其德而修其業師儒樂育誦其詩  
而讀其書深究濂洛關閩之傳上沂禹湯文武  
之道共沐菁莪化雨皆成樸棧良材濟濟多士  
之克生落落名賢之迭出月宮攀桂雲路跨鰲  
魁京闈而冠甲科文章追班楊董賈登臺省而  
榮斧袞政事邁韓范富歐際文運之大亨仰先  
聖之遺澤惟是廟堂之空闕夙恢門闕之崢嶸  
櫺星居朱鳥之中離火當文明之運茲焉取象

偉矣開祥柰何風雨之震凌遂致材木之摧腐  
不有改作曷聳觀瞻茲者恭遇府尹曾公府丞  
白公台郡儒宗毘陵宦族斯文山斗善類棟梁  
顧此一門之當爲欲圖千古之不朽撤其撓棟  
易以貞珉府推王公旣協謀經始於前府判宋  
公復互力贊成於後掌教耆碩克符厥志分訓  
諸彥各罄乃心士希賢賢希聖聖希天子何人  
也窮則變變則通通則久吾豈匏哉相與效修  
泮之曾侯不惜召剖璞之荆卞乃感地不愛寶

嶽則效靈琬琰出乎崑崗瓊瑤臻乎泮水斷來  
山骨全無斧鑿留行移至雲根有帶峯巒餘潤  
斷鰲足以立四極巍然數仞之高表杏壇而啟  
重扉浩若千金之費崇素王之廟貌飾夫子之  
宮墻雲漢昭回上擎天而下鎮地樞軸旋轉闢  
則乾而闔則坤壁立閑吾道之大防矻峙障迴  
瀾之砥柱精黷改色逢掖增輝從古所無迄今  
始見任使風吹日炙管教地久天長十年百年  
千萬年垂衍無窮大書特書不一書揄揚罔旣  
念我昔爲游歌之所可於侯無贊頌之詞請激  
昂工匠之歌聽敷唱兒郎之偉

梁之東泮池春水禹門通好待一聲雷奮蟄錦  
鱗箇箇化蒼龍

梁之西雲路攀蟾信有梯禮樂丹墀期射策胸  
中文氣吐虹霓

梁之南四書六籍貴沉酣占却鰲頭春宴處恩  
波新賜淺拖藍

梁之北燦燦三台星拱極人才培養賴賢侯要

使公卿從此出

梁之上門闕重輝新氣象於昭默佑在天靈此  
去俱堪登輔相

梁之下絃誦洋洋宣教化席珍待聘應時需美  
玉良金無定價 伏願 上梁之後學顏志尹  
家稷人臯歲拔真才接武賓興之選朝多名宦  
比肩進士之科鳳凰臺來今日之鳳凰龍虎榜  
集盛時之龍虎蘊明體適用之學輔弼朝廷收  
致君澤民之功翊扶社稷儒風丕振聖道益尊

羅洪先

新居上梁文

伏以仲蔚園居睹蓬蒿之三徑淵明栗里紀歲  
月於再遷豈爲士而懷居聊從吾之所好石蓮  
主人才難適用分甘退藏塵網三十年幸迷塗  
之初覺玉階方寸地笑春夢以何憑請學老農  
無踰我里求田問舍雖無溫飽之心剩水殘山  
偶有希奇之遇思棠棣之室未遠顧桑梓之地  
可依從者如歸卜之曰吉蓋南方卑濕養生者

之深虞而厥土燥剛堪輿家爲稱善安猶置器  
徙無出鄉壤有移封似欲善乎其後雀能占歲  
可以人而不如伯夷樹歟伯夷築歟敢云廉士  
鮑叔知我鮑叔憐我賴有故人盤谷之車馬頻  
來北山之猿鶴何怨擇風氣遺種類敬遵考亭  
之言相陰陽觀流泉因識幽風之業且人棄而  
我取可朝耕而夕歸田家絕四隣青山真如屋  
裏江村抱一曲白鷗長傍人來小子聽滄浪之  
歌清斯濯纓濁斯濯足白日到羲皇之上饑來

卽飯倦來卽眠門人勿謂墻卑婦子率入室處  
弟勸兄酬及時爲樂鷄鳴犬吠接境相聞他日  
柳樹五株先生便堪作傳深春桃花夾岼漁郎  
休更問津任呼馬與呼牛能爲鼠而爲虎萬間  
寒士付之柰何一廛爲民得此亦過苟飲水曲  
肱之可遂卽拱壁駟馬以何加占營室在中星  
正維今日舉大木呼耶虎試聽同聲

東 芸館橙溪一徑通分付溪邊舊桃李春  
風原在滿懷中

西樓頭騁望衆山齊欲識主人憑几意浮雲更比曲闌低

南天畔晴峰染碧嵐莫擬虹橋接霄漢十年早已謝朝簪

北紅塵一騎來京國偃武修文當盛時直須擊壤躬耕食

上明月清風任豪放縱着羊裘把釣竿江湖誰解干星象

下牙籤萬軸插高架終歲如今學閉關問

奇載酒姑回駕

伏願上梁之後豐年報國多福宜家羣居者闔室無欺外至者得門而入戶開亦開戶闔亦闔善言無千里之違道隆而隆道污而污正氣塞兩間之內讓耕讓畔里有仁風學禮學詩庭多暇日空中樓閣堯夫何意於品題壁內經書安國可傳其刪述永遺善緒益顯文明

啟

縉紳

費案

王陽明平西啟

伏審儒者知兵相臣出將殲渠魁以昭王度除  
群醜以奏膚功九域同懽一家尤幸微君子則  
何能國在丈人乃克帥師方叔顯允而制荆蠻  
仲尼文武而盟夾谷恭惟大中丞陽明老先生  
執事天畀弘猷世基碩德行高而心獨古才大  
而用不窮爰直道以事人肆忤奸而去位孤忠  
自許百折不回繼承前席之求亟拜賜環之命  
歷敷中外所至皆赫赫有聲槩視險夷無入不  
怡怡自得盛名允副重荷攸歸來控三隴獨當  
一面下車平賊境內晏然退食受徒吾道南矣  
快若鸞鳳瑞世隱然虎豹在山乃值寧藩忍干  
天紀其所賢者五而卿伯不仁不足畏者三而  
楚武心蕩構言可醜蓋穢德之彰聞國事日非  
惟姦回之崇信無罪而殺民殺士非辟而作福  
作威何患無詞能入端人之罪惟知有利輒傾  
厚殖之家神人共憤者數年道路以目者千里

魄繇天奪怒激主知懼隱惡之彌彰恣逆謀之  
大露驅囚徒而出戰殲命吏以張聲罪浮於淮  
南之謀刺將軍律可同吳王之招納亡叛矯誣  
惑衆僭擬稱尊計竊鼎於南都大揚帆而東下  
雖亂臣賊子人知不共戴天而後顧前瞻疇肯  
率先報國况長安之日遠兼蜀道之時難守臣  
盡入網羅疆圉誰其犄角人心騷動事勢幾危  
幸天不廢其所興而公可托之大事身名兩得  
智勇萬全一馳河北之文盡下山東之淚群僚  
響應壯士先登况志久奮於祖鞭而力莫勞於  
侃甓悅安社稷誠動鬼神宜茲先發後聞倏爾  
一月三捷長江天塹旣回魏虜之戈赤壁火攻  
悉燼曹瞞之艦室家胥慶海宇一新事可方之  
古人功寔益於天下西人膽破魏公之勲望預  
隆下蔡功成晉國之經營先定似茲雋舉亦豈  
倖成雖公匡國以興六月之師寔天賜公以活  
一方之命某依憑幸類舊忝登龍居處亂邦素  
傷談虎托二天而幸免頻九死以更生喜隕自

天恩酬無地慚請纓之已後恐擊壤之莫前恐  
門高而言則難幸惟俯納然室遠而心則邇可  
遽遐遺伏惟君子龍光茂德音於不爽大人虎  
變守謙吉以有終未遂參承益深企荷

于慎行

謝于子冲送行床啟

念此匡床分從幕府無脛而至可卷以懷弛張  
不掩厥長闔闢善藏其用得之馬上宴然過枕  
席之師脫諸囊中倏爾運幃幄之勝制驚異巧

體識同心遠道械書恍下陳蕃之榻虛齋解櫝  
疑分謝暍之氈坐收偃息之安適協炎涼之際  
隔扶風之帳聚致徒爾成雷下江都之帷營蠅  
任其棘止清宵處月露之下幸無席地幕天他  
年在山水之間亦足枕流漱石解推莫擬憑藉  
殊深敬拂清風聊裁赤牘

周應賓

貽當道諸公啟

賓登第歷四十年歸田凡十六載投簪解組久



同鹿豕之群結綬彈冠偶際風雲之會幸隨縉紳之後冀効犬馬之勞不意師師濟濟之朝翻成滄滄訛訛之習攻一省則株連數省論一人則波及數人事不問其有無人不論其賢否曰奸黨曰死黨屢形奏牘之中或明攻或暗攻幾滿公車之下蔓延旣廣則斬刈之必多批根旣深將摧折之必盡豈惟爲衣冠之禍必且貽社稷之憂噫人臣東西南北咸比肩以事君水火鹽梅貴同心而濟國矧值疆場多難之日此豈

臣僚構怨之時胡門戶之一開遂戈矛之頓起市虎訛成乎衆口池魚殃遍於一方不知釁啟何人以致禍延今日憶宋室崇寧紹述之際蓋嘗勒黨人之碑至 神廟戊申巳酉之間乃欲斷浙士之脉往已甚矣今復尤之昔青州五郡皆有黨平原獨無今海內四方皆無黨浙中獨有是豈相君之里法有連坐之條抑亦吳越之鄉人皆非類之族網羅已布飛走安逃刀俎具陳魚肉不免 賓東海賤士南國孤臣昔爲四明

瓜葛之親今亦兩浙桑梓之屬傷弓之鳥聞虛  
弦而墮飛驚餌之魚望深淵而潛入是願戢身  
巖穴之下不欲落人口吻之中永謝冠簪長親  
猿鶴既與世而相遠復於人乎何尤但念黨禍  
之始終有關國運之興替靜觀時事深懷空國  
之隱憂敢布腹心願效當途之良藥知我罪我  
尚三思乎瞽言蔡人吾人幸無分乎畛域謹啟

蔡復一

葉臺山相公啟

靈樞玄感三辰協兩比之階化瑟希聲八風調  
相說之樂皇嘉咸德世矚升猷某官名世應時  
訐謨定命道關四氣體造物之中蘇文似六經  
還邃初之灝噩清濁無間於澄撓燥濕不形於  
險夷當五色補鰲極之天獨一手修蛾池之月  
陰陽微而難象則以信爲璣衡穀洛鬪而易波  
則以虛爲江海經遠無競客陪謝傳之碁用默  
止謹人醉平陽之酒少年口雖未輯而已遜於  
心天子先有深知而益孚於後故能出

直臣於園棘雉無罹樊決寵王之胙茅鴻有成  
翼八紘競勸

九廟加尊至怒竅之風惟

自鳴而自息然砥濤之柱終不倚而不流蓋土  
炭低昂時至者匪瑄葭之所設水火炎潤勢爭  
者賴鉉鼎以善調但云韋澳之無權誰知富弼  
之仰屋乘舟而平輕重事戒少偏運斗而成暑  
寒談何容易噴室浮疑其畏首玄穹默相其苦  
心者也不然何以顯君陳之良屢昭入告作召  
公之考兩對王休哉顧國論幾裂於輿瓢而邊

形漸然於厝火牛李蜀洛宜畏其終盜賊蠻夷  
盍弭其隙協心三后方登伊傅之堂昌運萬年  
可尋唐宋之轍卽功成引退猶若爲答聖人之  
知若相亦惟終請勿忘受賢者之責某挈瓶智  
短入官地窮沅芷澧蘭喜卜隣於屈子武溪石  
室思舞羽於苗民瞻箕自愧其揚糠在山敢言  
乎擇木初聆崑槐之命絕席百僚旋歌釐秬之  
詩撞鐘四海雖草榮之不謝亦葵向之有懷叔  
盼忠哉司馬自故人之子袁絲誤矣絳侯真社

稷之臣薄矢吟秋以當賀夏伏惟曦彤一正嫗  
煦群萌轡影樞光掃浮雲以開久照天眉地乳  
奠磐石而固四維彌華漢室之黑幡永刻媯皇  
之青玉

黃輝

大司馬崑田邢公帳詞

伏以北門樞府久藉將星南甸畿庭新移卿月  
帝衡勞逸賜夏省以息肩天鑑孝忠俾晝行而  
繞膝鍾山紫氣公作龍蟠溜水白華母方燕喜

神標凝遠思緒汪洋時備四以希聲月成三而  
比讓有肩則受于躬若無秋駕履繩馬能言而  
相樂朝劓游族鸞應奏以皆虛爰從起家則善  
爲宰用斧裔魅是閑毛龍股掌羗戎郊翼鷗狗  
腹心將吏瓜牙熊羆逮問罪乎夜郎乃修文于  
白帝念姤津始禍詎煩小白之旗嗟闔穴終凶  
安辱大黃之弩苟鴟猶革響卽鹿可擇音疇云  
播境之非人不道蔡民之卽我未殫籌筆已迫  
簡書會師宿于朝鮮復廷咨乎都護掃封爲戰

僉曰公宜戡亂以文是云我武狐狸埋狐搯往轍  
孔明君始君終今暮畫一壇章甫發旗采頓新  
叱咤則海立大郎指揮則山搖對馬鯨騰往檄  
地盡天聲鼉疊進梁物如人意苦礁逋孽獻骨  
槩以導前漩溜潛臣蓄鬢檣而助順旅拒必北  
鼓行而東栳木濟兵鴻耳如期而過席王京整  
衆鯁鯁應指以憺夷乃伐樹以盟師遂絕江而  
捲敵礮雷怒發陰火電其威光矢電激飛剛牙  
颯其銳氣蛟環浪束骨已青丘鯁鋸徒張血俄

丹浦遂使島奴劬窳恍鯨避乎蒲牢我衆鋪敦  
類鳩求乎龍子網羅路絕巢穴情窮天吳九頭  
俄視其鬼水鱉八足空僵厥雄棄雉翮之城齋  
方決麝望羸靨之嶼口故嚼犀窘已極于圍三  
倖距徼乎借一神弓飲羽傾蜃閣以爲烟鬼彈  
收丸碎鯨帆而如雨狂氛旣盡善氣聿臻禾黍  
自春淨遺洲之髮鱣關門不夜返故堞之毛人  
遂令異域之君臣真作同朝之賓主乃料萬戶  
爰申八條招貔虎之國殤靈存頰尾築鯨鯢之

京觀寃雪碧蹄三折肱而起危徒得君重九頓  
首而興滅無以公歸且夫緣馬報蛟尙播烈夫  
之英問因鳩讐鷄亦流公子之慈聲况復地儉  
一成勢筵棲越乃至戍踰七稔功百存邢昔充  
國之護烏孫徒紆往返逮定方之征百濟僅侮  
亂亡何如以髮引之廢邦剪川增之勝寇盡驅  
鱗介再復冠裳與波上下之兀山倚六鼇而復  
定隨波往來之義鳧依三象以如存從古未聞  
于今獨盛自非名在佐歷道通神謀下取履而

受書機先帷幄右袂衣而得兆威薄兵卒則何  
以肅將天威勦弘再舉丕震聖怒謀出萬全奪  
虎口之鮮民還諸箕子滅兕皮之菴衆媿于周  
公者哉策勲飲至光生盟府之華文仗鉞秉旌  
氣奪穹廬之葉吹謗書沸魏彌深零雨之恩盟  
壤崇秦寧滯景風之賞昔者受命無以家爲今  
茲報成幸而親健單輿迎養雲常繞乎狄公屢  
躋陳情日用舒于菜子  
上旣難其去仍  
體厥私俾殿陪京便觴故里馬曹群佐佇分爽

于笏端軍令一家更流權于羨外咸謂斗牛之  
斲往卽看台揆之召還維艱難險阻之備嘗勞  
深薇芑致祿位名壽之必得享及諛推朝著殊  
榮人倫盛事屬大夫某等夙承經緯得習安攘  
白虎旛前市馬尙騰乎首宿黃龍幕底樹人何  
啻于芙蓉憶昔剖符玉律猶噓乎黍谷維茲開  
府繡裳仍照乎檀山感國士之見知素絲幾報  
願丈人之益壯朱紱方來悵祖席之星移幸庾  
樓之月在謂僕不敏辱公未知來革新詞爰歌

舊德云爾

皇明文徵卷五十六







